



From
the People of Japan

Press Release

Japaun Konstrui Fasilidade Edukasaun Mellorada ba Labarik sira iha Lautém.

17 Janeiru, 2025

Iha loron 17 Janeiru, 2025, serimónia asinatura kontratu subvensaun sira ba Projetu Konstrusaun Edifisiu Eskola EBC Koro-Asu iha suku Lore 1, Munisípiu Lautém hala'o iha Embaixada Japaun iha Timor-Leste. Asisténsia ne'e fornese liuhosi Japaun nia eskema asisténsia Dezenvolvimentu "Subvensaun Asisténsia ba Projetu Seguransa Umanu iha Baze (GGP)."

Kontratu ne'e asina entre S.E. Sr. KIMURA Tetsuya, Embaixadór Japaun ba Timor-Leste, no representante hosi ONG lokál, FUNDAMOR, nu'udár implementadór ba projetu ne'e. Sr. Melio de Jesus, Prezidente Autoridade Munisipál Lautém no Sr. Apolinário Serpa Rosa, Diretór Jerál Ministériu Edukasaun no líder komunitária sira partisipa serimónia ida ne'e.

FUNDAMOR sei konstrui edifisiu eskola EBC Koro-Asu iha suku Lore 1, Munisípiu Lautém ho montante finansiamentu USD 95,659 hosi Governu Japaun.

Embaixadór Kimura hateten "Japaun rekoñese importánsia atu halakon dezekilíbriu edukasionál no fornese edukasaun ho kualidade ba ema hotu, inklui iha área rural sira. Edukasaun bázika esensiál ba Dezenvolvimentu nasaun nu'udár labarik no joven sira Timor-Leste ni'an iha futuro. Ami sei asina kontratu GGP foun ida, nomeadamente Projetu ba Konstrusaun Edifisiu Eskola EBC Koro-Asu iha Suku Lore 1 ho FUNDAMOR. Ha'u hein tebes atu haree fali imi hotu no ema sira hosi fatin projetu ni'an iha serimónia inaugurasan hodi celebra finalizasaun projetu ida ne'e".

Governu Japaun implementa ona ho ativu projetu lubuk ida iha Timor-Leste, hahú hosi dezenvolvimentu infraestrutura ho eskala boot no apoiu industriál to'o projetu ho eskala ki'ik ne'ebé fô benefísiu diretamente ba comunidade lokál sira.

(Remata)